

Te Whakapakari Mō Te Omaoma

E whakapakari ana a Waiora mō te omaoma 100 mita. Koia nei ana tāima i ngā wā whakapakari i te roanga atu o ngā wiki e toru. Kua raupapahia ngā tāima, mai i te tere ki te pōturi:

19.2; 20.9; 21.2; 21.3; 21.3; 21.3; 21.4; 21.4; 21.4; 21.5; 21.5; 21.5; 21.5; 21.5; 21.6; 21.6; 22.0; 22.5; 23.8.

Ka tirohia ngā tāima e tōna kaiako me tōna tumuaki, ā, koia nei ō rāua whakaaro:

Kaiako: “Ko te 20.5 hākona te rekoata ā-kura mō tōna pakeke. Kāore e kore ka whati i a Waiora te rekoata i te whakataetae ā-kura e heke mai ana.”

Tumuaki: “E mīharo ana au ki te omaoma a Waiora. Nā te mea ko te 19.2 hākona tana tāima pai rawa atu, kei a ia te pūmanawa kia eke atu i ngā taumata o te ao mō tēnei omaoma. Engari, nā te mea kei te takiwā o te 21.6 hākona te nuinga o ana tāima, e tohu ana tērā i tana ngoikore i te nuinga o ngā wā whakapakari.”

Pēhea nei ōu whakaaro ki ngā tāima a Waiora i ōna wā whakapakari?

He aha pea ō kōrero ki te kaiako me te tumuaki?

